



Pranim / Dorezuar Priljeva / Predato Received / Delivery	07.04.2022	2	viti god year
Organ / Njësia Org / Jedinica Org / Unit	SKANSHICK	1958/2022	Sasia Kolicina Quantity
			113



Republika e Kosovës Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.183/2022

Këshilli i Pavarur Mbikëqyrës për Shërbimin Civil të Kosovës-Kolegji për shqyrtimin dhe vendosjen e ankesave i përbërë nga: Arben Mehmeti –kryetar, Malsore Gashi Bajraktari dhe Jeton Koca -anëtarë, si dhe Sabile Avdyli-Zyrtare e Lartë për Bashkëpunim Profesional në cilësinë e procesmbajtëses, kanë shqyrtuar ankesën me numër A.nr.183/2022 të datës 28.02.2022 të parashtruar nga ankuesi me adresë rruga Fushë Kosovë, kundër organit të punësimit/Komuna e Fushë Kosovës, në çështjen juridike “Kërkesë nga marrëdhënia e punës”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim me datë 07.04.2022,njëzëri mori këtë:

V E N D I M

REFUZOHET si e pabazuar ankesa me numër A.nr.183/2022 e datës 28.02.2022 e parashtruar nga ankuesi

A r s y e t i m

Ankuesi i punësuar në pozitën “Udhëheqës i Sektorit për Kulturë, Sport dhe Rini” sipas Akt emërimit të datës 01.07.2016 në Komunën e Fushë Kosovës, më datë 28.02.2022 ka parashtruar ankesë me numër protokollit 1032/2022 në Këshillin e Pavarur Mbikëqyrës për Shërbim Civil të Kosovës me pretendimin ankimor për unifikimin e pagës dhe koeficientit nga grada 7 në gradën 9.5.

Këshilli i Pavarur Mbikëqyrës për Shërbim Civil të Kosovës me datën 04.03.2022 ka dërguar kërkesën për përgjigje në ankesë të ankuesit tek Komuna e Fushë Kosovës, ndërsa me datën 21.03.2022 Këshilli ka pranuar përgjigjen në ankesë së bashku me provat e bashkangjitura të lëndës.

Kolegji për shqyrtimin dhe vendosjen e ankesave për marrjen e vendimit meritor administroj këto prova: Ankesën me numër A.nr.183/2022 me numër të protokollit 1032/2022 të parashtruar nga ankuesi me datën 28.02.2022 në Këshillin e Pavarur Mbikëqyrës për Shërbimin Civil të Kosovës;

Vendimi për përzgjedhjen e ankuesit bashkëpunëtor informativ; Aktvendim i datës 04.06.2003 për emërimin e bashkëpunëtor profesional në Fushë Kosovë; Kontrata e punës prej datës 04.06.2003 deri 03.06.2006; Kontrata e punës prej datës 02.06.2006 deri 02.06.2007; Kontrata e punës prej datës 02.06.2007 deri 01.06.2009; Akt emërimi i datës 01.04.2010; Akt emërimi i datës 01.06.2011; Përgjigje në ankesë e datës 21.03.2022 bashkë me shkresat e lëndës; Akt emërimi i datës 01.07.2016; Vendimi i datës 29.10.2001; pliko postare e datë 11.03.2022 dhe Përshkrimi i detyrave të punës e nënshkruar nga Drejtori për Kulturë, Rini dhe Sport.

Kolegji për shqyrtimin dhe vendosjen e ankesave, pasi ka shqyrtuar të gjitha shkresat e bashkangjitura të lëndës të dërguara nga ankuesi dhe organi i punësimit, ka konstatuar se ankesa e ankuesit, është e pabazuar, sepse:

Ankuesi në ankesën e parashtruar në Këshillin e Pavarur Mbikëqyrës për Shërbimin Civil të Kosovës, pretendon që ti bëhet unifikimi i pagës dhe koeficientit nga grada 7 në gradën 9.5 .

Kolegji për shqyrtimin dhe vendosjen e ankesave, lidhur me pretendimet ankimore të ankuesit, ka konstatuar se ankuesi në bazë të Akt emërimit të datës 01.07.2016 i është përcaktuar grada shtatë (7), si rrjedhojë tek rasti i ankuesit nuk kemi asnjë akt administrativ nga Zyrtari më i Lartë Administrativ i Institucionit me të cilën i është ngritur koeficienti, po ashtu nuk është dëshmuar me asnjë provë që institucioni ka buxhet për realizimin e ngritjes së koeficientit. Po ashtu në provat e lëndës që posedojmë nga ankuesi dhe organi i punësimit nuk kemi asnjë provë që ankuesi ka kërkuar rritjen e koeficientit.

Kolegji për shqyrtimin dhe vendosjen e ankesave, konstaton se neni 7 paragrafi 1 dhe 1 i Ligjit Nr. 03/L-147 për Pagat e Nëpunësve Civil i cili përcakton: *"Udhëheqësit e institucioneve të administratës publike ia propozojnë gradat e pozitive në institucionin e tyre ministrisë përgjegjëse për administratë publike, në bazë të rekomandimeve të personit përgjegjës për burime njerëzore në institucionin e tyre, i cili është përgjegjës për zbatimin e standardeve dhe procedurave për klasifikimin e vendeve të punës në Shërbimin Civil. 2. Grada për secilin pozicion të punës dhe ndryshimet, miratohen nga Qeveria, me propozim të institucionit përkatës dhe aprovimit paraprak të ministrisë përgjegjëse për administratën publike dhe ministrisë përgjegjëse për financat"*, rrjedhimisht Kolegji për Shqyrtimin dhe Vendosjen e Ankesave, konstaton se ligjërisht ngritja e koeficienteve për nëpunësit civil, mund të bëhet vetëm nëpërmjet procedurave ligjore e që duhet të dëshmohet se institucioni ka planifikuar mjete buxhetore të miratuara nga ministria përgjegjëse për administratë publike respektivisht ministria përgjegjëse për financa, kështu deri sa nuk ka planifikim të buxhetit apo nuk ka kërkesë nga institucioni ku nëpunësi civil është duke e ushtruar pozitën tek institucionet gjegjëse, atëherë përderisa nuk plotësohen kushtet e tilla ligjore nëpunësi civil paguhet me pagë siç është përcaktuar në aktin e emërimit me të cilin ka themeluar marrëdhënien e tij të punës, siç parashihet me Ligjin Nr. 03/L-147 për Pagat e Nëpunësve Civil, respektivisht nenin 9 paragrafin 1 përcakton se: *"Nëpunësit civilë kanë të drejtë të marrin pagën bazë për numrin e orëve të përcaktuara në aktin e kontratës së punës"* dhe nenit 19 të Ligjit Nr. 06/L-114 për Zyrtarët Publikë, i cili përcakton se: *"Zyrtari publik ka të drejtë në pagë dhe shpërblim për punën e kryer, si dhe shtesa të përcaktuara me Ligjin e Pagave"*, e që rrjedhimisht nënkupton që paga/shpërblimi e ankuesit bëhet konformë aktemërimit që është në fuqi, nga se nuk janë plotësuar kushtet ligjore të specifikuara më lartë që të bëhet unifikimi i pagës dhe ngritjen e koeficientit.




Kolegji pas analizimit dhe vlerësimit të të gjitha shkresave të lëndës si dhe duke u bazuar nënin 18 paragrafi 1 nënparagrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, si dhe neni 132 paragrafi 2 të Ligjit Nr.05/L-031 për Procedurën e Përgjithshme Administrative, vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda, A.nr.183/2022, datë 07.04.2022

Sabile AVDYLI



Zyrtare e Lartë për Bashkëpunim Profesional



Arben MEHMETI

Kryetar i Kolegjit

Vendimi i dërgohet;

- ❖ Ankuesit
- ❖ Kryetarit të Komunës së Fushë Kosovës;
- ❖ Menaxherit të Personelit në Komunën e Fushë Kosovës dhe
- ❖ Arkivit të KPMSHCK-së